

M320: Mühlhäuser Rechtsbuch (N)

- 1r,1 Incipit liber iuris scdm- ius inperij .
 1r,2 Is daz ein mensci diz andiri totit bin disimi wiepbildi
 1r,3 hie zu mulihuisin . wirt he bigriphen an dir vrischi-
 1r,4 tait mit deimi da he z mieti gitotit heit . vnde wiert
 1r,5 he vur gerichti bracht mit giscreigi he heit sienin hals virworcht Is abir daz
 deimi meniscin deis
 1r,6 got gihilphit daz he abi kumit in sien selbis huis
 1r,7 edir in sienis naciburis . wandi wie alli naciburi .
 1r,8 heizin die hie in dirri stat sin zu mulihusin .
 1r,9 so in sal in in deimi huis vn- in deimi hoiui
 1r,10 bin deimi tagi noch bin der nacht nieman biesezze .
 1r,11 wedir scultezi noch andiris niemin . Niemit
 1r,12 sich abir daz iman aine daz die man gitoitit
 1r,13 is . die si ze zu rehti ani neimi sal . Die sal dein
 1r,14 man bисcriegi vor gerichti . vnde sal in biclagi
 1r,15 alsi iz recht is mit giscreigi . dein man demi
 1r,16 he scult d ummi giebit . so sal man dan den
 1r,17 man eischi . Wil he dan vuri kuimi vn- wil sich
 1r,18 intreidi . die scultezi sal vmi vriedi geibi vuri zu
 1r,19 cumini uf sin recht ab he s muitit . Gingi dan
 1r,20 die man vuri . anu'tigieti in dan imin mit
 1r,21 sicheinir vnrehti- gewalt . daz he brengi mohti
 1r,22 selbi dirti die vri truwe . vndi iri eiri bihaldin
 1r,23 hettin . so giengi z giemi an sienin hals die
 1r,24 in ani giuertigit hetti . Cumit die man dan
 1r,25 vuri gerichti . loicinit he dan der sachchi der mi-
 1r,26 vmi scult giebit vmmi den toitin so mac he woili
 1r,27 da vuri sueri mit sien einis ha-t uffi din heiligin .
 1r,28 wan iz vmi geit an sien lieb . daz iz niema-
 1v,1 in can uf in brengi . Is abir daz . daz die toiti dicheinin
 1v,2 mac heitte die vmi die hanc woildi uon din
 1v,3 heiligin zi daz mohti
 1v,4 he tui woldi he sie z ain neimi . vndi soldi in dan biste
 1v,5 mit im camphi . so in mohti die man da vuri nicht
 1v,6 gisueiri . Die toiti hant sal da abir inkeinw'dic
 1v,7 sie . Suanni sich dan die zueini man zu mi ca-phi
 1v,8 irboitin han . muitit in die scultheizi dan burgin

- 1v,9 zu . suilichir dan also viele biwisi mac rechtis
 1v,10 eiginis bien diesimi wiepbildi . daz vunf marci
 1v,11 wert is . die in sal zu rehti noch in darph nicheinin
 1v,12 burgin sezzi . In mac he dan diesi wiepbildis
 1v,13 nicht biwiesi . so muz he selbi burgi sie edir
 1v,14 muz einin sezze . ab is in die scultheizi nicht virheibi
 1v,15 in wil noch die cleigeri . wirt dan die man
 1v,16 abturni . die vu-f marc da he sich bie giborgit heit
 1v,17 der sal sich die scultheizi vndirwindi . vndi sal den
 1v,18 man zu achti tu . Heit he abir dichein and' guit .
 1v,19 daz sal man sienin erbin lazi . vndi in sal in nicheinin
 1v,20 scadin da zu tu . weid' scultheizi noch andirs
 1v,21 niemin . die man abir die den burgin gisazt heit
 1v,22 wirt die abturni daz he sienin burgin nicht in
 1v,23 loisit . so sal di burgi also vili mi scultheizin leisti
 1v,24 alsi he geloibit heit . ab he is nicht inperi wil . Is
 1v,25 abir di man die din andiri- totit daz he nicht in wil vuri
 1v,26 cumi . so sal min in ani widirreidi zu achte tu .
 1v,27 suaz he dan sienis gutis hindir vmi leizit . da in sal

 2r,1 da in sal in niemin ani hindiri wedir scultheizi noch
 2r,2 andiris niemin . Is abir daz die man di zu achti
 2r,3 gitan is daz he nicht widir gibezzeri in mac noch
 2r,4 in wil . so mac sien wiep vndi sieni erbin sien guit
 2r,5 vircophi . vn- die scultheizi die sal sul gleiti eini mieli
 2r,6 von der stad zu suilchimi tori su uz wollin ab su
 2r,7 is muitin . In heit he dis wiebis nicht so mugin iz
 2r,8 tui andiri sieni erbin . hi vindit min daz ein man din andern wndit .
 2r,9 Uvndit ein man den
 2r,10 andirin sogitanir wndin da die achti zu rehti
 2r,11 sal vbir gei . wirt he bigrifphin vndi daz in sienir
 2r,12 hant da he die wndin mieti gitan heit . so sal
 2r,13 min vmi zu rehti die hanc abi sla . Cumi- abir
 2r,14 luiti dar vndir e dan iz giclagit werdi vndi haldi-
 2r,15 iz uf . so in heit die richteri inchein recht d ani . Is
 2r,16 abir daz also daz die man also cranc is . daz min
 2r,17 in biheldit ani sieni- danc . vn- in leizit vn nicht clagi
 2r,18 irverit daz die scultheizi he mac din teidingi-
 2r,19 woili nach ge . die luiti abir den min dar vmmi
 2r,20 scult geibit . wollin sie us loicini die mugin wole
 2r,21 mit vmi rehti da vuri stei vffi din heiligin .
 2r,22 vndi in can niemi- uffi su gezuigi . die luiti abir
 2r,23 den min scult giebit vmmi die wndin werin
 2r,24 die also cranc daz su nicht in torstin vuri cumi
 2r,25 vor andirin luitin . Mutitin su is . die scultheizi
 2r,26 sal su vuri bringin uf vri recht . sui dan den vridi

 2v,1 brechi wizzintliche den luitin die du scultheizi vuri

- 2v,2 brehti den gingi z an vrin hals . wndin abir ein ma-
 2v,3 din andirin an dis richteris anigisichti vn- dir burgeri .
 2v,4 vndi teiti he daz uzi dir hanc da he die wndi-
 2v,5 mieti getan hetti . he mac mit siemi rehti woli da
 2v,6 vuri ste uffi din heiligin vn- iz in mac niemi- uf in
 2v,7 gizugi; wir von der willekure gizugit min diz einworchte
 2v,8 vbir or . wirt abir die vndi vbirnehtic
 2v,9 vngeclagit vn- daz die wndi man din richteri woili
 2v,10 gehabi mac . so sal man ge-nin die du wndin getan
 2v,11 heit vordiri dri virzen nacht . ab die wndi ma-
 2v,12 gnisit . stirbit he abir so sal min dir toitin hanc
 2v,13 richte . Iz in sie dan also viele ab die man vuri gi
 2v,14 wil vndi wil sich intreidi vn- wil da vuri sueri daz
 2v,15 mac he wole tu . het abir he dicheinin mac die
 2v,16 vmi die hant von din heiligin zie wil . so in steit
 2v,17 da nichein loicinin vuri he in muz in biste cemphliche .
 2v,18 die toiti hant sal da abir inceinw'dic sie . wandi
 2v,19 inhein man zu mulhusin din andirin gicemphi
 2v,20 in mac wan vmmi die toitin hant . daz habin su
 2v,21 von vrmi vrgin rehti . Is och daz ein man din andirin
 2v,22 wndit . vn- cumin sie beidi mit clagi vur die-
 2v,23 richteri . gistatit die wndi ma- des daz die man da
 2v,24 vuri suerit deimi he scult gibit stirbit die wndi
 2v,25 man sint . iz in mac nichein sin vurnt nicheini vordirungi
 2v,26 sint me uf in gihabi . vmmi die teidinc . suilich
 2v,27 man sogitani sachchi tuit da die achti zu rehti
- 3r,1 vbir ge sal . In wil he nicht vuri cumi vndi cumit he
 3r,2 inwec in sien selbis hus edir hoif edir in dicheinis
 3r,3 sinis naciburis wan wi alli naciburi heizin die in
 3r,4 dirri stad hie zu mulihusin sine . da in sal in niemi-
 3r,5 inne bisezze bin demi tagi noch bin d' nacht weid'
 3r,6 richteri noch niemin . Cumit he dan inwec so sal
 3r,7 mi- sieni erbin lazi sizzi mit siemi guiti daz sue
 3r,8 niemi- in sal d ani hindiri . daz he hindir vmi gilazin
 3r,9 heit . cumit he dan inweic vndi wirt he si-t
 3r,10 bigrifphin als die achti vbir in gigen is . so sal
 3r,11 min vmi vmmi die wndin di hant abi sla . vn-
 3r,12 u-mi di toitin hant den hals . hi sal vride habe ein iclich man in sime huos
 3r,13 Hi nach is biscribin daz
 3r,14 ein iclich man hie zu mulhusin in dis richis
 3r,15 stad sal vridi habi in simi huis edir daz he
 3r,16 virgildit edir daz he uirdienit . suilich man
 3r,17 dein da heimi suchit iz sie nacht edir tac mit
 3r,18 vnrechtir giwalt mit sogitanin dingin da ein
 3r,19 mensci willin heit demi andirin mieti zu neimini
 3r,20 lieb vndi eri . cumit abir die man uf . vn-
 3r,21 biscrigit den man daz iz sieni naciburi hoiri-

- 3r,22 wan wi alli naciburi heizin di in dirre stad sin
 3r,23 so sal he dan nach mi richteri sendin ed' nach siemi
 3r,24 botin . vn- sal den man bihaldin gibundi vn-
 3r,25 givangi- . vn- sal in alsu gibu-din vndi givangi vuri
 3r,26 bringin vn- mit giscreigi biz vur den richteri .
 3r,27 wil iz dan die man loicini d' hemsuchungi
 3r,28 vn- mac he iz bringi mit den luitin di zu sime
- 3v,1 giscreigi cumi- sien die vri truwe vndi vri eri bihaldin
 3v,2 habin selbi dirti . so geit iz vmi an sieni- hals . In
 3v,3 mac abir he d' sachi nicht also uf in bringin also he
 3v,4 biscribin is . so mac die man dei min vmme die hei-suchungi
 3v,5 scult geibit woili da vuri ste mit siemi rehti .
 3v,6 vffi dien heiligin wan iz vmi geit an sieni- lieb
 3v,7 vn- siene eri vn- sien lantrecht . Min mac och nichein'
 3v,8 leigi sache me uffi niman guzugi daz vmi ge an sienin
 3v,9 lieb edir an sine eri ed' an sin lantrecht . wan hei-suchungi
 3v,10 vn- notnumph aleini . Is abir daz deimi
 3v,11 man die di heimsuchungi gitan heit des got gihilphit
 3v,12 daz he dannin- cumit iz si mit wndin ed' an w-din
 3v,13 so in mac iz sint niemi- uffi in gizugi he in mugi
 3v,14 woili da vuri ste mit simi rehti uf in heiligin .
 3v,15 Is daz he sine truwi vn- sine eri vn- sin lantrecht
 3v,16 bihaldin heit . Is abir daz die wirt den man big'fit
 3v,17 vn- irsleit ed' gitoitit di vn da heimi gusucht
 3v,18 heit . so sal he in also toit vur gerichti bringi vn-
 3v,19 sal vmi sinin hals abi sla . Is daz he iz mit den naciburin
 3v,20 bringi mac alsu iz recht is daz he n heimi
 3v,21 gusucht habi . weirin abir die luiti vn- di naciburi die
 3v,22 di heimsuchungi gihort hettin also daz su is nicht
 3v,23 bikeinin in woldin durch suilich' handi winihaldug-
 3v,24 iz weiri . so sal su di richteri bisendi vn- sal su bitui-gi
 3v,25 bi mi eidi daz su bikenni- d' wareit alsu gisin
 3v,26 vn- gihort habin . hi windit men notnumph
 3v,27 Liet ein man bie einimi wiebis nami- an vri- danc
 3v,28 vn- wid' vrin willin . Iz vri dan leit so sal su sich
- 4r,1 weri mit giscrei . vn- sal iz da nach zuhant cundigi .
 4r,2 mit zurizzenir wait vn- mit giwndin hendin vn-
 4r,3 mit wenini-gin oigin vndi mit bustrubitemi hairi .
 4r,4 Mit den vier sachen sal alliz diz giscreigi mit volgi
 4r,5 biz an den richteri sua su den vindit . wirt ab' die ma-
 4r,6 bigrifphin an d' vrieschin tait vn- mac iz dan die vrowi
 4r,7 bringi selbi dirti mit vrin screignozin vz sie wiep
 4r,8 ed' man die vri truwi vn- eri bihaldin han . so geit
 4r,9 iz vmi an sini- hals . Nichein vrowi mac me gizugi
 4r,10 dan notnumph vndi ewi . Inphallin vri abir die guzugi .
 4r,11 so mac he woli mit sinemi rehti da vuri ste

4r,12 wandi iz vmi geit an sienin liep vn- sieni eri vndi
 4r,13 sin lantrecht . wirt is abir uf in brach alsi hi biscribin
 4r,14 is . so sal min vmi teili ein suert uf sienin hals .
 4r,15 In woldin abir die luiti die vri giscreigi gihort hettin .
 4r,16 vs nicht bike-ni durch suilichir handi winhaldu-gi
 4r,17 daz weiri daz su iz liezin . noch in woldin der
 4r,18 vroiwin noit nicht helfi brengi . So sal su di richteri
 4r,19 bisendi . vn- sal su bituingi daz su bikennin bi vrm
 4r,20 eidi daz su gisien vndi gihort han . Gisciet
 4r,21 iz uf einir houistad vndi sint da luiti uffi . vndi
 4r,22 virigin su der vroiwi- noit daz su iz vri nicht helfin cu-digi
 4r,23 noch clagi alsi recht is . werdin su is vbirzugt
 4r,24 mit drin vrin naciburin iz sin mannis nani- edir
 4r,25 wiebis nami- die vri truwi vndi vri eri bihaldin
 4r,26 habin den sal min wellindi blie in vri orin giezi .
 4r,27 vndi da zu die houistat da z uffi gisciet is da vui
 4r,28 uffi den sal min nid' hoiwi vndi in sal nummir me

4v,1 gibuit werdi is su sien . suaz min och uffi d' houistad vi-dit
 4v,2 daz vmi zu gihorit daz sal min uirteili mit d' houistad
 4v,3 daz iz numm' niemini me zu nuzzi in werdi wedir
 4v,4 richteri noch niemini . sient d abir luiti uffi die vmi
 4v,5 zu gihorin die in sal min nicht uirteili . Gisce iz
 4v,6 abir vzirtalp der stat uf enimi ackiri ed' in enimi
 4v,7 gartin . die in sal zu rehti nimmir me vurucht
 4v,8 gitragi is he sin . Scrigit dan die vroiwi . so sulin vri
 4v,9 zu rehti volgi alli die di iz gisient vndi gihorin
 4v,10 di ackirman mit dir ruitin . die enki mit d' geisilin .
 4v,11 vndi sulin phulc vndi phert lazi ste . die heirti
 4v,12 sal och volgi mit sin' cuilin vndi mit siemi crummi-
 4v,13 stabi . vndi sal diz vie lazi ste . In teitin su is nicht
 4v,14 vndi wrdin su is ubirzugit von d' vroiwi selbi d'ti
 4v,15 iz werin ma-nis nami- edir wiebis nami- di vri
 4v,16 truwi vndi vri eri bihaldin hettin . min soldi in daz
 4v,17 selbi recht tu daz ginin biscribin is die is iz in
 4v,18 demi huis uirleigin . In scrigit die vrowi abir
 4v,19 nicht san zuhant von stat iz si nacht edir tac
 4v,20 daz vri giscein is biz an den richteri ab su in gihabi
 4v,21 mac . so in mac su iz nicht brengi zu nichenir
 4v,22 noitnumpht wedir su noch andiris
 4v,23 niemi- . Iz in weri dan also viele daz su wrdi bihaldin
 4v,24 widir vrin willin vndi an vrin danc . Wirt
 4v,25 abir su leidic vndi iz vri leit so mac su iz
 4v,26 mit giscreigi woli cundigi vndi clagi alsi von
 4v,27 erst do iz vr giscach . vn- des selbin bihaldinis
 4v,28 des sal si brengi habi mit eraphtin luitin drin

5r,1 die vri truwi vn- vri eri bihaldin han iz sien man ed'

5r,2 wiep . liet abir ein man bie eimi wibi daz giscien is
 5r,3 vndi noch gisci mac mit vrin willin vn- daz doch nicht
 5r,4 elich in is . vn- wil su dan daz lazi durch sundi ed'
 5r,5 durch scandi edir suar ummi iz si . so sal su da zu
 5r,6 neimi guiti luiti daz su selbi dirti sie . vn- sal vn da-
 5r,7 bieti daz he sogitani dinc me lazi wandi da sundi vn-
 5r,8 scandi ani sie vn- leit . woldi he iz dan nicht lazi he
 5r,9 in teit iz ubir daz so hetti he eini rehti notnumph
 5r,10 an vri bigein . clagit su iz mit giscreigi vn- alsi
 5r,11 hie vori biscribin steit alsi iz recht is . hi windit me von deme diebe
 5r,12 Gisciet ein duibi bi
 5r,13 slaphind' diet edir sui su giscit daz iz die luiti
 5r,14 nicht vn sien . wirt die diep mit d' duibi bigrifphin .
 5r,15 di vn dan bigrifit die sal die duibi cundigi mit
 5r,16 giscreigi . vn- sal vmi dan binde di hendi hindir
 5r,17 sienin rucki vn- die duibi dar uf . vn- sal vn dan also
 5r,18 gubundin vn- guvangi- vn- mit giscreigi vur
 5r,19 den richteri vuiri vn- sal girichtis ubir in muiti
 5r,20 deimi diebi in sal min abir zu rehti nicheinin
 5r,21 vorsprachin geibi suanni he also gibundi- vn- giua-gin
 5r,22 wirt vuri givurt . Sprichit abir die diep daz
 5r,23 min vmi vnrehti tu vn- mutit he diz heizin hisinis .
 5r,24 so sal mi- vmi sieni hendi zu rehti inpindi
 5r,25 vndi sal vmi ein ysin heizi . vn- sal vmi daz ysen
 5r,26 vori legi uf zueni steini vn- daz sal he tragi drie
 5r,27 scrite . vn- sal iz dan werphi in ein hulzin vaz . so
 5r,28 sal he dan sieni hende zu rehti mi richteri wiesi . vnde

5v,1 sal su uf heibi heit he sich gubruit so sal min vn hai . Is
 5v,2 vmi abir di hant scoini so sal min su vmi bisigili mit
 5v,3 wachsi vndi mit tuchin . vnde sal in dan bihaldi dri
 5v,4 tagi vn- dri nacht . vn- daz sulin tui die selbin luiti die
 5v,5 uf vn giclagit han . An demi dirtin tagi so sulin su vn
 5v,6 brengi vor den richteri vn- sulin umi sine hant bisie
 5v,7 heit vn dan goit vnsculdic gimachit daz he sich nicht gibrint
 5v,8 in heit . so sal min vmi beizziri nach rati des
 5v,9 richteris vndi da zu mit der burgeri vn- och andirri
 5v,10 guitin luiti . vn- daz suisin die luiti tu die uffi den
 5v,11 man giclagit han vndi daz sal och die man neimi
 5v,12 die iz ysin gitran heit . So sal mi- dan demi man sien
 5v,13 lantrecht wid' geibi . vn- die richteri sal vmi din vridi
 5v,14 ba-ni zu sime liebi vn- zu simi guti . dis richis vn-
 5v,15 der burgeri . vn- suln dan vieri banphe-nigi geibi
 5v,16 mi richteri . vn- daz sulin die luiti tu die demi man
 5v,17 gibezzirt habin . Uon eime burgere
 5v,18 Ist iz abir daz ein vnsir burgeri wrdi mit en'
 5v,19 duibi vur den richeri- bracht iz weri wibis nami
 5v,20 ed' mannis nami . heit die sieni truwi vndi siene

- 5v,21 eri bihaldin . vndi sprichit die daz he d' duibi
 5v,22 guitin weirin habi min sal vn sienin werin lazi
 5v,23 suchi dri virzen nacht . sprichit abir die di uf vn
 5v,24 clagit . daz he sine truwi vn- sine heiri nicht bihaldin
 5v,25 habi vn- daz he ein givrat man sie . so in
 5v,26 sal mi- vn zu rehti nicheini- werin lazi suche noch
 5v,27 in mac och da vuri nicht gusuere . vndi des vratins
 5v,28 des sal he abir uf in al erist guzugi habi
- 6r,1 daz he givrat si daz he selbi dirti sie mit wizzintaftin
 6r,2 vnsin burgerin . Is he dan vngibundin so sal min
 6r,3 vmi sieni hendi hind' sieni- rucke bindi . vndi di duibi
 6r,4 dar uf . undi sal vn bscrigi . so sal min dan vbir vn richti
 6r,5 alsi ubir einin diep die mit d' duibi virwindin is . Wi givrat si .
 6r,6 Nu suld i hoiri wa mieti die mensci giurat is . daz
 6r,7 is daz . wirt ein mensci gubundin vn- giuangen mit
 6r,8 duibi edir mit roibi vur din richteri bracht . vn- wirt
 6r,9 da leidic gilaizin durch ovilei edir durch beiti daz he
 6r,10 sich da uz nicht in suerit . Sueimi daz gischeit die
 6r,11 is giurattit . Gibit och ein man duibi wid' wizzintliche
 6r,12 edir virgildit su vor me richtere die he selbin
 6r,13 gistolin heit . die is och giurat . Sui din andiri- och mortburnit
 6r,14 vn- wirt he da miti bigrifphin also daz he
 6r,15 is nicht geloicini in mac cumit he vur girichti vndi
 6r,16 wirt he da irbeitin edir mit phennigin wid' gicopht
 6r,17 edir sua mieti iz sie . die is och giuratit . sui mit
 6r,18 valschin phennigin edir mit valschimi silbiri edir
 6r,19 mit valscimi goldi bigrifphin wirt . vndi wirt he
 6r,20 biclagit vor mi richteri vndi din burgerin den valschs
 6r,21 sal mi- vmi abir in sieni hant bindi . vn- sal in also
 6r,22 vur den richteri brengi . wurrumit he sich dan
 6r,23 werin den sal min lazi suchi dri virzen nacht . In bre-git
 6r,24 he abir des werin nicht . so sal min richti vbir
 6r,25 sieni hant . Loisiti abir he sini hant wid' den richteri
 6r,26 vn- die clegeri . so is he och giuratit . sleit min
 6r,27 vmi abir di hant abi vmmi die sachi so is he och
 6r,28 giuratit . Uon eimi gaste . // Sulich gast heiri
- 6v,1 in disi stad cumit . vndi sprichit uf enin andiri- gast
 6v,2 vor mi richteri vn- din burgerin . daz vmi mac gige
 6v,3 an sienin liep vn- sieni eri vn- an sien lantrecht . vndi
 6v,4 uf vmi nicht in bigriphit des sienis da mac he woli
 6v,5 mit sien enis hant vuri ste uf den heiligen . Is ab'
 6v,6 daz he giuratit is alsi hi vori bscribin steit wirt
 6v,7 daz uf in bracht . so in mac he da vuri nicht gisuere .
 6v,8 wi daz brengin sie wan su beidi geisti sien daz suld
 6v,9 i hoiri daz sal he selbi si vn- sien heimburgi edir
 6v,10 sien scultheizi . vn- sin kirchineri vndi sin herti vn-

- 6v,11 da zu eraphtir luiti nuini daz he selbi drizendi sie .
 6v,12 vndi sulin dan daz sueri uf vrin heiligin die sulin
 6v,13 su mit in heiri brengi . Also daz gisciet so sulin su vn
 6v,14 mit vn inwec vuri vn- sulin mi richteri des giwis
 6v,15 machi daz su recht ubir vn tuin . Sogitan recht
 6v,16 daz he dar ani virdinit heit . // Uon guti daz virstolin
 6v,17 is . // Is abir daz ein gast bigrifit sin gut
 6v,18 uf eimi andirin gasti daz vmi virstolin is die
 6v,19 sal ge zu mi richteri edir zu siemi waldigin botin .
 6v,20 die sulin dan ge zu gimmi man vndi sulin
 6v,21 vn vreigi wo iz vmi vordin si . sprichit dan die gast
 6v,22 daz he daz guit gicopht habi rehti vndi redelichi
 6v,23 bi sconimi tagi vndi bi scininingir su-nin .
 6v,24 So sal in dan di richteri vregi ab he s dicheini- weri-
 6v,25 habi vnde sal da zu burgeri neimi di iz sien vn-
 6v,26 hoiri- . sprechit he dan “nein” so sal he sich vzi der
 6v,27 duibi sueri vndi sal daz guit demi man widir gebi
 6v,28 sprichit he abir “ia” he habi s guiti- werin so sulin
 6v,29 su beidi mi richteri giwis machi di eini sinir
- 7r,1 clagi vndi die andiri siner widirreidi . so sal he dan sienin
 7r,2 werin suchi dri vierzen nacht . Iz in si dan daz he
 7r,3 iz selbin curti wolli . Inphellit vmi abir die weri so sal
 7r,4 min vbir vn richti zu glichir wis alsi vbir einin diep
 7r,5 die miti der duibi wirwndin is . Is abir daz also
 7r,6 daz he giurat is alsi hie biscribin is . vn- brengit
 7r,7 min vz och uf vn alsi hie giscrebin is . so in mac sien
 7r,8 giweri nicht gihelphi // Da ein sin gut bisei // Suaz
 7r,9 ein man sinis gutis bisiet uf mi andirin edir in sin’
 7r,10 giwalt da sal he din sculteizin zu ladi edir sienin
 7r,11 giwaldigin botin ab he z vordiri wil . so sal he geibi
 7r,12 sienin rechtin aniwanc daz is ein schillinc Mulhuschir phennigi .
 7r,13 so sal die scultheizi dan deimi ma- giebi daz he daz
 7r,14 gut brengi vur vn vndi di burgeri zu rechtin tedi-gin
 7r,15 vndi mi clegeri daz he sini clagi volvuri . vndi
 7r,16 voluordiri . In han su niche- wiepbildi so sulin su guwies
 7r,17 mache mi richtere die eini sienir clagi vndi di
 7r,18 andiri sienir widirreidi . Is dan daz he sich d’ habi
 7r,19 werin vurrumi wil . Min sal vn sinin werin lazi suche
 7r,20 dri virzen nacht he in woll iz dan selbin curti bi
 7r,21 einimi binantin tagi . Als he dan den man vuri bre-git
 7r,22 vn- einin vorsprachin ginimet so sal he sueri uf
 7r,23 din heiligin daz he sinen rechtin werin bracht habi
 7r,24 suanni he daz gutuit so heit he den man giwert
 7r,25 wil dan die man daz guit andirweidi vordiri . so
 7r,26 sal he sienin aniuanc ab’ geibi als von erist . vndi
 7r,27 sal dan sprechi uf din andirin als uffi din eristin .
 7r,28 vndi die vordiru-gi die sal also langi weri biz daz

- 7r,29 min d' werschaph zu endi cumit . vndi sal iclich ma-
- 7v,1 daz sueri daz he sinin rechtin werin bracht habe . ab iz vn
 7v,2 di richteri nicht virhebi vn wil noch die cleg'e . suanni die
 7v,3 weiri dan vuri kumit die sal den man guwis machi
 7v,4 des guitis des he vn giwerit heit vor girichti alsi recht
 7v,5 is daz guit sulin dan guiti luiti schazi alsi iz wert
 7v,6 is vndi die man sal iz dan vnd' vmi habi biz also
 7v,7 langi biz daz he iz antuwedir mit rehti virlusit
 7v,8 edir biheldit . Sua die werschaph endi heit wirt
 7v,9 demi man bruch die diz guit in giwalt vndi giwerin
 7v,10 heit . is die ein bidirui man . daz he sini truwi
 7v,11 vndi sini eri bihaldin het . wil he sin lantrecht bihaldi
 7v,12 so sal he sueri uff den heiligin mit sinis einis
 7v,13 hant . daz he daz guit gicopht habi . bi schonimi
 7v,14 tagi vndi bie schinigir sunnin . vndi sal dan demi
 7v,15 man sin guit widir gebi . die d uf giclagit heit
 7v,16 suilich man sinin rechtin werin brengit geit vmi
 7v,17 daz guit abi daz sal vmi die man abi legi die vn
 7v,18 zu rehti weri soldi . antwedir mit demi selbin
 7v,19 guiti ab he iz gihabi mac edir also tiuri alsi guti
 7v,20 luiti sprechchin daz iz wert sie . Da miti is bichnuphphit
 7v,21 allir leigi dinc daz gianiuangit wirt
 7v,22 mit girichti . // Biseich ein an d' strazi
 7v,23 hindir eimi sin gut . // Biseit ein man an der
 7v,24 strazi hindir enimi andirin in sienir giwalt
 7v,25 guit daz vmi virstoln is edir roipliche ginumi-
 7v,26 is edir sui iz vmi mit vnrehti abi gigangin
 7v,27 is . so sal he dan den man bugruzi vndi sal heizi
 7v,28 edir bieti daz he mit vmi ge zu me richteri
 7v,29 he wolli sich nach deimi guiti iz alsi iz recht is .
 7v,30 In wil he iz dan nicht tu . is dan vmi iman also
- 8r,1 na den sal he biti daz he vmi helphi den man bistetigi
 8r,2 also langi biz daz he nach mi richteri gisendi
 8r,3 edir nach sinime botin . In heit abir he nimannis
 8r,4 die umi helfi . vndi woldi dan die man dannin ge .
 8r,5 vndi in woldi vmi nicht volgi . so sal he in ani griphe
 8r,6 vn- sal scrigi vbir sinen hals . wil he sich dan weri
 8r,7 iz sie mit suerti edir mit mezziri . edir mit suilichir
 8r,8 handi weri iz si . da ein man dimi andirin
 8r,9 sienen liep mac mite gineimi . so sal he di luiti
 8r,10 zu gizugi sezzi die da bi sin . vndi sal sich irweri
 8r,11 deimi manni ab he mac . vndi in sal mi sculteizin
 8r,12 noch andiris nimini nichein buzi da bi gebi
 8r,13 ab he vmi dicheinin scadin tuit wandi he nicht
 8r,14 mit vmi zu mi richteri cumi in woldi . // Biseit
 8r,15 he s in eime huis . // Bisiet he in abir in

- 8r,16 enimi huis edir in enimi houi da he dis richteris
 8r,17 nicht habi in mac noch sinis botin . Is di
 8r,18 wirt da inne den sal he bieti daz he vmi den
 8r,19 man also langi woldi d inne bihaldi biz daz he
 8r,20 nach mi richteri gisendi . Is abir die wirt d inne
 8r,21 nicht so sal he sien also langi beiti vndi d inni
 8r,22 sie biz daz he d in cumit ab he inheimis
 8r,23 is . In weri abir die wirt nicht inheimis so sal
 8r,24 he di nachiburi bite ab he su gihabi mac daz
 8r,25 su vmi den man bistetigi- also langi biz daz
 8r,26 he nach mi richteri gige odir nach simi boitin
 8r,27 woldi vmi dan die man inkei . so sal he in ani
 8r,28 grife mit giscreigi vndi sal di naciburi biti
- 8v,1 daz su sini guzugi sien ab he su gihabin mac In mohti
 8v,2 he abir di nachiburi nicht gihabi vndi woldi sich
 8v,3 die man weri alsi da vori biscribin steit daz selbi recht
 8v,4 heit dit daz ginicz heit daz da vori giscriben steit .
 8v,5 Tetti he disi zuwo sachchi an den richteri vnde
 8v,6 an di naciburi so heit he virworcht dru screph vndi
 8v,7 ein phunt . // Sal ein von me landi h inne gelde .
 8v,8 Sal imin von mi lande enimi vnsimi burgeri
 8v,9 geldi h inni biset he den h inni vndi is di taic irgein
 8v,10 den selpgeldin mac he woli uf haldi mit mi
 8v,11 richteri edir mit sime botin . In mac he abir weder
 8v,12 gihabi so sal he n uf halde mit eimi sime naciburi
 8v,13 ab her nimme gihabi i- mac alsi langi biz daz
 8v,14 he nach mi richteri gisendi mac eder nach
 8v,15 sime boiti vnde in sal vn vuri wedir in sin hus noch in sinin hof noch in
 andiris nimes . Iz in weri
 8v,16 dan also vili daz he n bise in einis andirin ma-nis
 8v,17 huis edir in sime hovi . da sal he n danne inne
 8v,18 virsprechi mit girichte . In wolde abir he
 8v,19 des nicht irbeiti he in woldi mit giwat da-nin
 8v,20 ge . so sal he in ani grife mit deimi selbin rehti
 8v,21 alsi dit ersti ufhaldin heit alsi hie biscribin is vori .
 8v,22 wil abir he liepliche mit vmi ge ani girichte so
 8v,23 sal he sine naciburi da zu nemi daz he selbi dirti
 8v,24 si ab he is vmi loikini wolli . daz he is guzugi habi .
 8v,25 also in darph diwedir mi richtere nicht gebi .
 8v,26 noch andiris nimini . grihphe he in abir ane
 8v,27 ane den richtere vnde ani die naciburi . so heit
 8v,28 he virworcht kein mi richtere dru scerph vndi
- 9r,1 ein phunt . In cumit abir die selpgeldi nicht her
 9r,2 in her . vndi heit he d uzi giclagit alsi iz recht is . wor
 9r,3 demi di zu richteri vbir vn gisazit is . vnde daz
 9r,4 he is vmi dan bekennit . cumit dan der sichein

9r,5 her in di zu rechte vur vn phandungi liedi sal . daz
 9r,6 sient alli die die wazzir vndi weidi mite vmi
 9r,7 nuzzin vndi niezin vndi beidi enimi herrin gut
 9r,8 geldin . die luiti mac he uf haldi mit demi selbin
 9r,9 rehti als den selbgeldin als hi vori bscribin steit .
 9r,10 // Uon der tauerni . Hi nach is gscribin .
 9r,11 virtuit ein man dis andirin guit in siner tau'ni
 9r,12 is si mit suilichir handi zerungi iz si daz he is in
 9r,13 nicht birichtit vndi dar vbir ani sieni loibi inwec
 9r,14 geit . demi man mac he woli nach volgi dein
 9r,15 tac vndi die nacht ani girichti ab he wil . Cumit
 9r,16 he in dan ani bin demi tagi vndi bin der nacht
 9r,17 he mac in woli widir in sin huis brengi ab he
 9r,18 wil . vngislagin vndi vngistozin . he in wolli
 9r,19 sicht dan weri . mac he dan iminis gnizi daz
 9r,20 he in widir in brengit an sinin danc vndi wid'
 9r,21 sinimi willin . daz in darph he wedir mi richteri
 9r,22 buzi noch andiris nimini des sal he abir guzuic
 9r,23 habi an sine- geistin edir an sinin nachiburin
 9r,24 selbi dirti suedir he gihabi mac wirt iz abir
 9r,25 vbirnehtic so muz he zuhant den richteri da
 9r,26 zu habi edir sine- botin . Is abir daz he cumit
 9r,27 in einis andirin mannis huis edir hof bin deimi

9v,1 tagi vn- bin der nacht da si tau'ni edir in sie . so sal he
 9v,2 den den man bite daz he vmi den man antwert die
 9v,3 vmi sin guit intrain heit edir daz he vur vn geldi
 9v,4 lokinit vmi dan die man wil he sin recht da vuri neimi
 9v,5 daz mac he tu . wil och gine man da vuri sueri daz
 9v,6 mac he tu . Iz in sie dan also vieli daz he is guzuic
 9v,7 habi mac an sine- geistin edir sine- nachiburin daz he
 9v,8 selbi dirti si . So in mac he da vuri nicht gisueri . als
 9v,9 he daz gutuit so sal vmi di wirt den man antw'ti
 9v,10 edir sal vmi sin guit vur gene- man geldi daz he
 9v,11 uf in bracht heit . Als vmi dan die man giantw'tit
 9v,12 is . den sal he mit vmi dan dar heim vuri vnd'
 9v,13 sal vn bihaldi aluasti als langi biz daz he vmi sien
 9v,14 guit virgildit . Suanni die tac vnde di nacht
 9v,15 irgein is grifit he in dan ani aini girichte edir ani
 9v,16 nachiburi . so heit he kein den richteri virworcht
 9v,17 dru scerph vndi ein phunt . // Svilich man heit
 9v,18 recht eygin // Hi nach is gscribin . Suilich ma-
 9v,19 heit recht eigin in dirri stad zu northusin . vnd'
 9v,20 daz in giwalt vndi giwerin iar vndi tac vnuirsprochin
 9v,21 iz is huis edir houistad vor den luitin
 9v,22 die binwendic landis sin in habin z die nicht v'sprochchin
 9v,23 bin eimi iari vndi bin eimi tagi . so habin
 9v,24 si vri vordirungi virlorn vndi die man sal

9v,25 sich dan des selbin gutis selbin weri sint me . Dit
 9v,26 selbi recht heit daz gut uff in uelde lit daz in dt
 9v,27 gerecht horit . vn- sal uz dan bihaldi mit sinis

10r,1 eniz hant uffi den heligin . Is abir daz also daz die
 10r,2 luiti vbir daz wollin d uf clagi . so sulin su daz guit ani
 10r,3 leiti . vndi sulin da nach eini rehti weri tu mit alsi mi
 10r,4 gutin guti alsi daz is da he uf tedingit . Biheldit dan
 10r,5 die man daz guit da mi- uf giclagit heit . daz guit daz
 10r,6 da inkein gisazt is . zu enir rehtin weri . Di weri
 10r,7 sal ste iar unde tac vnde sal dan leidic si . daz in mac
 10r,8 min nicht uircophi noch uirsezzi ani des mannis
 10r,9 liebi demi iz zu werin gisazt is . werin abir luiti
 10r,10 vzwendic landis . vndi die heim quemi den sal mi-
 10r,11 zu rehti da bi antw'ti . wollin su iz vordiri bin demi
 10r,12 iari vnde bin demi tagi alsi su heim cumin sien . so
 10r,13 sulin su dan tu alsi recht is mit der anileitungi vn-
 10r,14 mit der giweri . woldin abir su beiti iar vndi taic
 10r,15 alsi su heim quemin vngeuordiritis dingis so hettin
 10r,16 su vursumit vri vordirungi . Is abir daz su
 10r,17 clagin bin demi iari vndi bin demi tagi bihaldi-
 10r,18 su diz gut da su uf clagin vndi teidingin so is vri
 10r,19 giweri leidic die su kein deim guiti gusazt ha- .
 10r,20 hi virsprichit ein dis andirin guot
 10r,21 Uvo ein man demi andirin guit virsprechchi
 10r,22 sal daz suld i hoiri . He sal nemi den richteri edir
 10r,23 sinen giwaldigin botin . vnde sal ge vur
 10r,24 sine turi vndi sal da zu neimi sine naciburi sueder
 10r,25 he wil weni edir viel daz he selbi dirti sie .
 10r,26 vnde sal vmi daz guit virsprechchi vnde sal sain
 10r,27 d uf tedingi . weri abir daz . daz he nicht in

10v,1 woldi rechtir teidingi phegi von demi guti mit demi
 10v,2 rehti alsi du burgeri recht ducht von demi guiti . so
 10v,3 wer iz zu rehti ein virsprochin gut . vndi in mohti
 10v,4 numir nimi- zu rehti des gutis giweri wan iz ansprechi
 10v,5 weri wordin . // Hie vindet men recht wo-
 10v,6 der ewe . Iz daz ein man vnde ein vrowi zusamini kumin sin an rechtir
 10v,7 ewi . vndi habin gut mit einandir . vndi och kindir .
 10v,8 Is daz gut ubir su gubuitit vnde daz su sterbin .
 10v,9 so erbit vri gut glich uf vri kint die su beidi
 10v,10 gilazin habin vndi diz eini kint heit alsi guit
 10v,11 recht an demi guti alsi diz andiri . Iz sie wiebis nami
 10v,12 edir mannis nami- . beidi an egini vndi an erbi
 10v,13 vnde och an vardir habi . vnde da zu an mi leini alsi
 10v,14 min hie bisceidit . Is dan daz die mannis nami-
 10v,15 vrin suestirin rehti wollin mieti vari vnde teili
 10v,16 so sulin su vri herrin bite daz su diz lein vrin suestirin

10v,17 lien vndi vrin vormundin ab su si habin vn-
 10v,18 vn selbin . In wollin iz dan die herrin niemini
 10v,19 lie dan den kneichti vndi den sunin . so sulin su iz
 10v,20 inpha . vndi sulin iz dan vrin suestirin widirsazi
 10v,21 mit andirimi guti alsi guiti luiti dunkit daz iz
 10v,22 mugilich sie . habin dan die mannis nami- vnde
 10v,23 die suini vris leinis gumutit bin eimi iari vn-
 10v,24 bin eimi tagi nach uris watir toidi . wil iz vn
 10v,25 die h're lie wol vndi gut . In wil he iz in nicht
 10v,26 lie . so sulin su vris h'rin man zueni da zu nemi
 10v,27 ab su su gihabi mugin In mugin si vr abir nicht gihabi so

11r,1 sulin su andirir eraphtir luiti alsi vieli da zu neimi daz
 11r,2 su selbi dirti sin daz su iz vn vbirzugi mugin daz
 11r,3 su is gumutit habin ab he is vn loikini woldi . vn-
 11r,4 sulin is also muti von iari zu iari . vndi sulin ir lein
 11r,5 aluasti habi . wan iz in mac nichein vri herri
 11r,6 vn dan zu rehti ginemi . is die h'ri inwendic landis .
 11r,7 Is he abir nicht inwendic landis so sulin su s
 11r,8 muti alsi he zu lande cumit // Di sich me vndirwinde
 11r,9 den he sule // Is abir daz vndir den kindin
 11r,10 dichein weri daz sich des gutis me vndirwindi
 11r,11 woldi dan vmi zu rehti guburti liet iz
 11r,12 an egini edir an erbi edir sua iz sie daz vngitelit
 11r,13 is . suilichir dan dir andirin kindiri d uf
 11r,14 sprechi wil die sal iz vmi dan biwise vndi in sal
 11r,15 vmi nicheini weri tu . Iz abir daz su giteilit han
 11r,16 sogitan erbiteil alsi su ani gierbit is von vatir vn-
 11r,17 uon mutir so sulin su zu rehti giwerin tu einmi
 11r,18 andirin alsi ein andiri- alsi ein vremidi mi andirin .
 11r,19 Iz abir an vradir habi da ein mi andiri- scult
 11r,20 vmmi gibet daz he vmi nicht rehti mite giuarn
 11r,21 habi noch geteilit . des sal he vmi antuwedir gie
 11r,22 edir loikini . vndi sal vmi dan inke mit minni
 11r,23 edir mit rehti . // Daz wz eigin vorkofiph w't
 11r,24 // Suaz ein man vircophit vzirtalp der stad vur
 11r,25 ein recht eigin an ackirin des sal he vn zu
 11r,26 rehti weri vnvirsprochin iar vndi einin tac .
 11r,27 nach demi sal he sich selbin weri iz vnvirsprochi-

11v,1 // Uon achti . // Suilich man zu achti gitan wirt vn-
 11v,2 sich der achti intredi wil daz mac he woli tu . het he
 11v,3 is eraphtir burgeri zueni daz he selbi dirti sie die
 11v,4 vmi daz helfin brengi bi mi eidi daz he zu vnrehti
 11v,5 zu achti gitan sie vmme suilichi sachi he zu
 11v,6 achti gitan is . da sal min vn widir vz der achti lazi .
 11v,7 vnde he in sal da nimeni nicht vmme gebi wedir
 11v,8 richteri noch nimene // Uon wregebitene .

11v,9 // Da bisezzini burgeri sient in dirri stad eder
 11v,10 in sal nichen demi andirin vuri gibieti den he biclagi
 11v,11 wil . he in hab in zu zuein gidingin biclagt .
 11v,12 vnde sal vmi dan zu mi dirtin dingi lazi vuri
 11v,13 gibieti . Is dan daz he inheimis is den min biclagit
 11v,14 heit vnde in cumit he nicht vuri so is he
 11v,15 der clagi irwndin da vmmi vmi vuri gibotin is .
 11v,16 Is abir daz he vuri cumit demi vuri gibotin
 11v,17 is . vnde gieni nicht die vmi vuri liez gibieti .
 11v,18 so het he sine clagi mite virlorn . wil he in dan
 11v,19 abir vordiri . daz muz he tu dri virzen nacht
 11v,20 alsi von erist . Sui dan vuri cumit iz sie clegeri
 11v,21 edir den nin biclagit heit die sal sich mi richteri
 11v,22 wisi . vnde sal alsi langi beiti biz daz diz dinc
 11v,23 werit . ab sin wid'sachi nicht in cumit . Cumit
 11v,24 he dan wil he is dan ein endi habi so sal he n
 11v,25 biclagi vmmi sien guit edir vmmi sin gelt .
 11v,26 wil he s vmi dan loikini . da sal he sin gerichti

12r,1 vmmi borgi . vnde sal daz da tu zuhant edir vbir
 12r,2 virzen nacht suedir he wil . heit abir he des gutis
 12r,3 gizuc daz he selbi dirti sie . so in mac he vmi da vuri
 12r,4 nicht gisueri . In mac he alliz nicht burgeri gihabi
 12r,5 so mac he woli en-i gast da zu neimi
 12r,6 di vmi helfi gizugi . sprichit he abir daz he vmi
 12r,7 virgoldin habi mac he z dan brengi selbi dirti .
 12r,8 so geit sin gizuc vuri des sal he sicht abir san da
 12r,9 virrume vor mi richteri vnde sal san sine gizugi nenni
 12r,10 // von ewi di zusamene kumit // Suo zuei zusamini
 12r,11 cumin an rechtir ewi . Is dan daz die vroiwi
 12r,12 einin vatir heit die sal zu rehti di vormu-tscaph
 12r,13 uf lazi suanni su vri huish'ri bislaphin heit
 12r,14 eini nacht . In mac su vris vater nicht habi . so sal
 12r,15 su uf lazi ir nesti vatirmac die zu siemi iari cumin
 12r,16 is . Stirbit dan der vroiwin vri elichi man so
 12r,17 sal su vris mannis neisti vatirmac habi zu einimi
 12r,18 vormundin . wil die vroiwi einin andirin ma-
 12r,19 neimi daz mac su woli tu zu rechtir ewi . he in
 12r,20 mac abir vri vormundi nicht gisie . die vormu-di
 12r,21 in lazi su dan uf die sie von vrmī man is ani
 12r,22 cumin den sal su is dan bite . daz he su uf lazi .
 12r,23 vndi sal da zu di liuti neimi daz su is guzuc
 12r,24 mugī habi selbi dirti an vnsin burgerin ab he
 12r,25 is vri lokini woldi daz su is gibeitin hetti . In
 12r,26 wolde he is dan nicht tu durch vri beti . so mac
 12r,27 vri eliche man woli dan vri vormundi sie . // von

12v,1 vormu-den // Sua-ni einir vroiwi vri eliche man

- 12v,2 gistirbit so muz su einin vormundin habi . vuri vri
 12v,3 abir die vormundi vnrehti mite daz su is vn vbirzugi
 12v,4 mohti mit den luitin edir biwiesi so mac
 12v,5 su woli eini- andirin kiese ab si wil . Ein man ein and' wip nemi wil // Is
 daz ein
 12v,6 man vnde ein vrowi zusamini cumin an rechtir
 12v,7 ewi . sterbit die vrowi die man in darph nicheini-
 12v,8 vormu-din habi . leizit dan di vrowi ligi-de
 12v,9 guit vndi varindi habi . vnder die sine kint
 12v,10 och sin wil dan die man ein andir wiep neimi
 12v,11 daz mac he tu . daz ligindi guit in mac he abir nicheinir vrowin gidingi
 noch gigebi he in tu iz mit d'
 12v,12 kindiri loibi . ab su zu urin iarin cumin sin edir mit der erbin loibi Die
 varndi habi abir di su beidi gihat habin di mac he woli enir andirin vrowin
 gebi wil he iz sinin kindin zu leidi tu Weri abir daz alsi daz su nichen ligindi
 guit me in hettin dan varndi habi . wil he dan
 12v,13 eni andir wiep neimi . so sal he siner kindi neisti
 12v,14 magi neimi vndi sal sich biscichti mit sine-
 12v,15 kindin . daz iclich sinemi kindi alsi wieli werdi
 12v,16 alsi vmi . suar he iz och gitan heit . Suanni he
 12v,17 daz dan heit gitan . so mac he mit sime teili
 12v,18 dan tu suaz he wil . In heit he abir dan nicht
 12v,19 ligindi gut . wil he sich biscichti . so sal he iclichmi
 12v,20 sinimi kindi sien teil gebi . Zu glichir wis
 12v,21 alsi an der varindir habi . suaz vmi dan zu sinemi
 12v,22 teili guburt da mac he mite tu suaz he
 12v,23 wil . In woldi abir he des nicht tu . he in woldi
 12v,24 wip neim vnde in woldi sich nicht biscichti .
 12v,25 mit sine- kindin . so in mac he daz gut wedir
 12v,26 virgebi noch virsezzi noch vircophi an siner kindir
 12v,27 willin . der mutir iz gidingit was rehti

 13r,1 vndi redelichi // vo ein man sine kint zi sal nach
 13r,2 irri mutir tode // Ein iclich man demi sin huisvrowi
 13r,3 stirbit . vndi vmi kindir leizit . die von rechtir
 13r,4 ewi sine kint sin . die sal sine kindiri mit demi
 13r,5 gute zie daz vmi sien huisvrowe gilazin heit .
 13r,6 vnde he mit vri irerbeitit heit . biz daz su zu vri-
 13r,7 iarin cumin . vndi su sich selbir virste cunni- . Suilichir
 13r,8 iz dan mutit iz si mannis nami edir wibis nami .
 13r,9 deme sal he gebi sin erbeteil mit cuntscah daz
 13r,10 vmi giburit . Suanni he dan allin sini kint also vo-
 13r,11 vme gimutscart heit . wil dan die man sizzi daz
 13r,12 he nichein wiep in wil nemi zu ewi . so mac he
 13r,13 sich von demi guti daz vme zu teili guburit neiri
 13r,14 biz an sien endi . darph he s och zu sines liebis
 13r,15 noit so mac he iz woli vircophphi vnde virsezzi .
 13r,16 daz iz vmi zu rehti nichein sien erbe virspreche

13r,17 in mac noch giweri . He sal iz abir alirerist
 13r,18 den rechtin erbin bieti . In woldin su iz dan nicht
 13r,19 coiphi alsi iz phennigi wert veri vnde alsi
 13r,20 ein vremidi d umme gebi wolde . su in wolde-
 13r,21 vn mite tuwingi . so sal he iz den lutin cundigi
 13r,22 vnde sal iz dan deme vircophi die vme allirmeist
 13r,23 d u-me gibet . Suaz von erbir hant cumi-
 13r,24 is daz sal eni- man den erbin alirerist bieti ab
 13r,25 he iz vircoiphi wil wollin su iz alsi turi coiphi alsi vremidi luiti
 13r,26 // Daz vrowin daz selbi recht han daz man .

13v,1 // Alli die recht die den manni- biscribin sien
 13v,2 vmi erbiteil vnde mit andirin wiben daz sulin
 13v,3 och die vroiwen habi . sudir alleini . daz di
 13v,4 vroiwin vormunden sulen habi des dii man
 13v,5 nicht vn durvin // Ab iz kint ane ewi stirbit
 13v,6 daz biteilit iz // Suanni die man och alli
 13v,7 sieni kindiri beschichit vnde beteilit heit .
 13v,8 sturbi dan der kindiri sichein ane ewi daz iz
 13v,9 nicht zu nicheinir ewi gigriphin in heit ani
 13v,10 erbin . sogitan gut alsi iz dan hindir vme leizit
 13v,11 iz sie wenic edir viel daz sulin vnder sich
 13v,12 dan teili . sine brudiri vnde sine suestire . In lezit
 13v,13 iz dan wedir brudiri noch suestiri . so tritit
 13v,14 iz widir uf den vatir eder uf di mutir ab su
 13v,15 leibin . In leibiti dan wedir vatir noch mutir
 13v,16 noch suestir so tritt iz uf die neistin erbin
 13v,17 // Uon ligindime guthe ane erbin // Is daz ein man
 13v,18 vnde ein vrowi zusamini cumin an rechtir
 13v,19 ewi . vnde brengin su liginde gut zu einandir
 13v,20 suaz von der vrowin dare cumit ligindis gutis .
 13v,21 daz sal die man habi zu sinemi liebi stirbit
 13v,22 die vrowi ani erbin . he in mac iz abir vircoiphi
 13v,23 noch virsezzi . an der erbin loibin von
 13v,24 den iz dari cumin is . suanni die man dan nicht
 13v,25 lengir in is . suaz dan von der vrowin dari cumin
 13v,26 is an ligindimi guti daz sal uf uri erbi-

14r,1 treti . alsi iz dari cumin is . suaz von deme manne
 14r,2 dari cumin is . daz heit daz selbi recht . daz von
 14r,3 den vrowin giscribin is . wollin su iz abir mit
 14r,4 einir gisamitin hant bie urme lebindi liebi .
 14r,5 bisceide vur vri seili . edir wollin su iz vrin armin
 14r,6 vurndin bisceide daz mugin su tu . Iz in
 14r,7 mac abir diwedir an den andirin getu . vn-
 14r,8 su in wollin vz beidi willikure mit einandir
 14r,9 laz in su abir varinde habe vnbesceidin suar ani
 14r,10 iz sie daz varinde habi heizit nach vr beidir

- 14r,11 toidi . die sulin teili vndir sich dis ma-nis
 14r,12 vnde der vrowin neisti erbin . // Uon der weitewin
 14r,13 di eini- man neimit . Nimit ein withewi
 14r,14 einin man zu ewi . vnde vurit dein uf sogitan
 14r,15 gut liepgidingi alsi uri vr ersti man gidingit
 14r,16 heit . vnde och von vme dare cumin is . des mac
 14r,17 su vn woli giweri bi vrme libe die wili daz su
 14r,18 lebit . vr wedir in mac iz abir wedir vircophi
 14r,19 noch virsezzi noch mit nichti den erbin inphirri
 14r,20 die da zu gihorin . di varindi habi die mugi
 14r,21 su abir woli uirtu ab su wollin . Stirbit dan die
 14r,22 vrowi so is die werscaph uz . su habi kint bi
 14r,23 mi leizirin man ed' nicht . Brengit he abir gut
 14r,24 zu der vrowin vz sie liginde edir varinde habe
 14r,25 des mac he sich woli vndirwinde noch vrme
 14r,26 tode . iz vnvirtan . // Suo zvei zusamine

 14v,1 kumen an rechtir ewi . also daz sie gut zusamene
 14v,2 brengen vnde gewingin die kint mit einand'
 14v,3 vnde gewinne- gut iz daz got uber ur einen gubutit .
 14v,4 wil sich die and'e virandire di sal sich mit sinen kinden bischichte .
 14v,5 so mac he sin teil gebe sueme he wiel daz
 14v,6 vme geburt . Nimit die man ein ander wiep . al
 14v,7 sogetan gut alse vme geburt . daz mac he der
 14v,8 vrowi dinge . Giwinin di kint mit einander vn-
 14v,9 gewinni- gut oder minneren s iz si an ligende gute .
 14v,10 eder an varndir habe . daz sal der leizirin kinde
 14v,11 si . wirt abir die man eine wowen uffē sin lipgedi-ge
 14v,12 stirbit dan die man uffē sime lipgedinge so
 14v,13 sal die vrowe tribe vnde trage sogetan gut also
 14v,14 sie gemert vnde geminnert haben iz si an
 14v,15 ligindeme gute odir an varndir habe svar sie
 14v,16 wil . Quem iz abir also daz su zusamene quemi- umbeschichtit . quemin
 14v,17 abir di erbin vnde virsprechin daz bin deme iare
 14v,18 des solden su sich bischiche bi deme iare mit den
 14v,19 erbin . quem is abir bi deme iare daz man iz nicht
 14v,20 uirspreche so sulden su gewert sie . Is abir daz di
 14v,21 vrowe des zu rati wirt mit vrme vormunden
 14v,22 daz su sogitan liepgidinge mit liebi den erbin
 14v,23 abi giwinnit . so mac su vndi vri vromunde mit
 14v,24 deme liepgidinge vnde mit der varindir habe
 14v,25 tu suaz su wollin . Is abir daz di erben des zu rati
 14v,26 werdin daz su mit der vrowin willin vnde

 15r,1 vris vormu-din vri vr liepgidinge abi coiphin .
 15r,2 so sal die vrowi zu der ziet alsi su da beidintalp
 15r,3 bineimi- vri varinde habe vnde andir vri sundirlichchi
 15r,4 gut suaz iz is tribi vnde trage suar

15r,5 su wil vnde vri vormundi // Kint giwinnin vort kint .
 15r,6 // Is daz ein vrowi vn- ein man zusamine cume-
 15r,7 an rechtir ewi . vnde giwi-nin kint mit einand' .
 15r,8 vnde giwi-ni- die kint vort kint . e dan
 15r,9 die eldiruatir sine- kindin mite giteilit sien
 15r,10 gut iz sie wenic edir vile . vnde in habin doch
 15r,11 dar u-me andiris sienis gutis nicht virzigin
 15r,12 daz vn werdi mac nach sineme libe daz die eldiruater
 15r,13 vnde die eldirmutir habin in vrri giweri
 15r,14 iz sie liginde eder uarinde daz erbit uffi
 15r,15 vri kint die vri beidir kint sien ab su lebin .
 15r,16 Stirbit abir der kinder sichein vnde leizit vrot
 15r,17 kint . den kindin sal min gebi suaz vrmi vatiri
 15r,18 von vrme eldiruatiri werdi mochte . Sturbin dan
 15r,19 deme eldiruatiri alle sine kint . so erbiti daz gut
 15r,20 uf di kindis kint vr sie wenic edir uile // Is
 15r,21 daz ein man vnde ein vrowi han einin sun . vn-
 15r,22 daz die niemit ein wiep zu ewi . vnde giwinnet
 15r,23 he dan bie vri kint vr sie wenic ed'
 15r,24 viele . Stirbit vmi dan die vrowi . vnde
 15r,25 nimet dan die man ein and' elich wiep .
 15r,26 vnde werdin vme abir kint bi der

15v,1 vrowin vr sie wenic edir viele . Stirbit dan die
 15v,2 man . vnde di zuegir leigi kint habin dan noch einin
 15v,3 eldiruat' vnde ein eldirmutir von vrin vat' .
 15v,4 vnde die habin dan noch gut vz sie liginde edir
 15v,5 varinde habe da habin die leiziri- kint alsi gut
 15v,6 recht alsi di erstin . vnde di erstin alsi di lezisti . dit
 15v,7 selbe recht habin die vrowin ab vn die man sterbin .
 15v,8 daz hi den mannin bscribi is . an diseme
 15v,9 buche . hi vindit men vir eapht not .
 15v,10 Eapht noit . daz is sogitan suchi ab min enime
 15v,11 man . diz bettistro vier enden inprenti daz
 15v,12 he dar vz nicht gige in mochte min hulfi vmi da-
 15v,13 d uiz daz is ein . Di andiri daz is wazzirnoit . die
 15v,14 sal also sie daz he gerni vbir weri ab he mochte .
 15v,15 diz wazzir sal och also si daz iz wed' bruchin noch
 15v,16 steic noch vort noch sciph in habe daz he mugi
 15v,17 vbir cume . weri he dan g'ni vbir so sal he wati
 15v,18 in diz wazzir biz an sinen hals . daz is di andiri .
 15v,19 // Die dirti eapht noit daz is giuenkinissi daz
 15v,20 ein man von vmi selbin nicht virdinit in habe
 15v,21 noch virsculit . // Di uirde eaphti noit is herrin
 15v,22 dinist . iz sal abir sogitan herscaph sie die vme
 15v,23 mugi gibite vbir sin gut vnde vbir
 15v,24 sinen liep . soldi dan die man imini ichtis
 15v,25 antwert vur girichti . vnde wolde

- 15v,26 vme gerni antwertu so sal he sinen h'ri
- 16r,1 bitu daz he vn laz cumen vur geriche alsu vme gibotin
 16r,2 is in wil iz vme dan sien herri nicht irloibi
 16r,3 so sal he iz den luten kundigi ab he mac in mac
 16r,4 he iz abir nicht gikundigi . vnde in wil min is
 16r,5 vme nicht gloibi daz iz vmi di eaphti noit benumin
 16r,6 habi In wil min is vn dan nicht virhebi
 16r,7 so sal he iz sueri uf in heligin alsu he vur den
 16r,8 richeheri cumit . daz selbi sal ein man tu vmme
 16r,9 di andirin dri eaphti noiti daz he uf den heligi-
 16r,10 sueri ab he iz nicht bringe in mac daz iz vme eapht
 16r,11 noit binumi- habi . hi sezzin di burg'e ein hemburge-
 16r,12 Hi nach is giscribin daz
 16r,13 wi burgeri zu Northusen sullin sezzu alli iar
 16r,14 einin heimburgin zu senti Walp'gi messe . die
 16r,15 sal dan zu rehti heimburgi si biz zu sente michelis
 16r,16 messe . alsu di heimburgi dan gisazt is so
 16r,17 sal he mit der burgeri rati sezzu zueni vlurscuzzin .
 16r,18 he sal och sizzi vir mal mit den burgerin
 16r,19 vnde mit den vlurscuzzin . di heimburgi
 16r,20 sal och bisende di burgeri daz su cumen zu dir
 16r,21 mali . vnde da sal min eini glockin zu luiti . vn-
 16r,22 der mal sal he vieru sizzi bin deme halbin iari
 16r,23 en zu sente Walp'gi tagi . vnde ein in der phi-kistwochin .
 16r,24 an deme mantage . vnde ein an
 16r,25 sente Iohannis tagi zu mittesumere . vnde ei-
 16r,26 an senti Jacobis tagi . vnde di vlurscuzzin die
- 16v,1 sulin den luten vuri gibieti daz su cumen zu
 16v,2 dir male vnde die mal sal min zu rehti sizzi
 16v,3 vndir senti Kilianis linden . vnde dar sulin
 16v,4 alli die cumen die icht zu vordirde habin
 16v,5 vnde zu claginde vmme corn daz zu diesimi
 16v,6 vuluri gihorit . Suaz dan den scuzzin da
 16v,7 biuolin wirt da sulin su zu sveri daz su daz
 16v,8 biwarin alsu den burgerin nuzze sie vnde
 16v,9 vn vri truwi vnde vr eri liep si bihaldin .
 16v,10 Suanne dan die heimburgi sine male sizzit
 16v,11 suaz he dan da virloibit vnde virbutit mit
 16v,12 den burgerin vnde di burgeri mit vmi daz
 16v,13 sal min steti haldi . veri abir iman di daz brechi
 16v,14 den sal min vur sogitan einwrti phende
 16v,15 alse da gisazt wirt . Vnse alde recht an
 16v,16 corni daz is daz . Snitit ein man des andiri-
 16v,17 corn . vnde bigriphit vn die man da mite des
 16v,18 diz corn is . edir di scuzzin . so sulin su den
 16v,19 man phende vnde diz phant in des hemburgin

16v,20 huis vuri . vnde die sal iz dan alsi
 16v,21 lange halde biz daz demi man sin scadi wirt
 16v,22 abi gileit des diz corn is . vnde da zu sal
 16v,23 he sogitan einwrti den burgerin gebi alsi
 16v,24 da uf gisazt is . Is he abir ein bisezzi-
 16v,25 man . so sal min vmi sien phant zu borgi
 16v,26 gibi mutit he s . biz zu dir neistin mali .

17r,1 Is abir daz die man diz phant wil weri so sulin
 17r,2 su vme nachc volgi mit mi aldin herizechini .
 17r,3 Bigriphin su vn dan da mite . so sulin su
 17r,4 vn vuri vur den heimbargin die sal nach
 17r,5 mi richteri dan sende . so sulin su uf vn dan
 17r,6 clagi eini- roib den he vn roiblich vnphurt
 17r,7 heit . Bikennit he is dan vor mi richteri vn-
 17r,8 vor mi heimbargin vnde den burgerin . so in
 17r,9 steit da nichein loikinin me vuri iz in ge vme
 17r,10 an sinen hals . Lokinit he is abir zu
 17r,11 mi erstin so mac he mit sin einis hant da vuri
 17r,12 woli sweri vf den heiligin . Hi nach is giscribi-
 17r,13 waz rechtis die man heit di diz corn snitit
 17r,14 vnde in me sacki dar heim vurit . Sui iz tuit
 17r,15 di het eini dubi bigen . vnde wirt he och
 17r,16 da mite bigriphin vnde vur gerichti brach
 17r,17 nin sal vbir vn richti alsi vbir eini- diep . sui
 17r,18 och corn snitit vnde daz biwindit vnde bilegit
 17r,19 edir bideckit mit grasi ed' mit andirime
 17r,20 dinge daz zu corni nicht gihorit die
 17r,21 heit daz selbi recht . daz gine heit di iz in
 17r,22 deme sacki vurit . Nimet och ein man deme
 17r,23 andirin sien corn bi nacht . vnde wirt is
 17r,24 di man giwari des diz corn is . so sal he in bite
 17r,25 daz he daz corn lazi lige . tuit he z durch
 17r,26 sine beti daz is guit . In wil he iz dan nicht

17v,1 tu he in woll iz dannin vuri mit vnrechtir giwalt
 17v,2 mac he vn dan biwaldigi . he sal vn mit corni
 17v,3 mitalli . vur gerichti vuri vnde sal vbir vn
 17v,4 clagi alsi vbir einin diep . In mac he in abir nicht
 17v,5 biwaldigi . so sal he vme volgi mit giscregi .
 17v,6 biz an die stad da he diz corn hine vurit vn-
 17v,7 sal dan sende nach mi richteri vnde sal vn bieti
 17v,8 daz he iz vmi richti . bikennit he is vme
 17v,9 dan daz he iz gitan habi . so in steit da vort nichen
 17v,10 lokinin me vuri . wan daz min vbir vn
 17v,11 sal richte alsi vbir einin diep . Loikinit he is
 17v,12 abir dan . so mac he woli mit sin einis hant
 17v,13 da vuri ste uffi den heiligin . is he ein vngivrat

17v,14 man . daz selbi recht heit die di vz des tagis
 17v,15 niemet . wan daz aleini . daz giniz heizit ein
 17v,16 dubi vn- dit ein roib . Vbirsnitit och ein man
 17v,17 den andirin an einir aniwende edir an den
 17v,18 vurin binebin vme vnde wirt iz gini man giware
 17v,19 daz iz vme giscein is . so sal he is vn biti
 17v,20 daz he is nitht abi in vuri su in werdin al erist
 17v,21 d und' bisceidin . von den luitin die vri beidi
 17v,22 givoren sien binidin vnde pobin . vurit iz da-
 17v,23 gini man dar vbir inwec . so sal vn gini ma-
 17v,24 di da sprichit daz iz sien sie giwesit d ummi
 17v,25 biclagi vor sineme heimbargin . So sal dan die
 17v,26 heimburge den man bisende daz he cumi zu

18r,1 din mali . da sal he vmi
 18r,2 dan rechtir teidinge phegi vme
 18r,3 die scult die he vme gibit . vnde sal iz vme dan
 18r,4 biwiesi . als he iz vme dan biwisit heit . so sal he
 18r,5 iz vmi abi legi nach minne ed' sal vme uf din
 18r,6 heiligin da vure suere . Mac he is abir vbircumi
 18r,7 mit sinen giuorin ed' mit einir rechtin cuntscaph .
 18r,8 sued' he gihabi mac . so in mac he da vure
 18r,9 nicht gisueri he in sul vme sin corn wid' gibe .
 18r,10 edir sul iz vmi geldi uf einin gisuori-ni- eit . Geit
 18r,11 einis man phert vnwizzinde in einis ma-nis
 18r,12 corn . bigrfit iz die man d inne edir sin bote ed'
 18r,13 die vulscuzzin . die sulin is in des heimbargin
 18r,14 hus vuri vnde brengi . die sal iz dan also langi
 18r,15 haldi biz daz demi man sin scadi werdi abi gileit
 18r,16 des diz corn is vnde da zu heit daz phert vurworcht
 18r,17 zu rehti an einwrti als manigin phenninc
 18r,18 als iz manigi- vuz heit . Steit iz abir vngispa-nin
 18r,19 mit zuein vuzin vorni in mi corni . so
 18r,20 heit iz zueni phe-nigi virworcht . daz selbi recht
 18r,21 heit diz rint daz diz phert heit vnde och die esil
 18r,22 vnde iz suin . Diz scaph vnde di zige vnde
 18r,23 die gans vnde di boc virwirkin zueni phe-nigi
 18r,24 an einwrti . Zogit och ein man vf einir strazi
 18r,25 mit sinen pherdin vri si wenic edir vieli .
 18r,26 die mac woli sniti des cornis ab vmi sine phert

18v,1 irlegin . vnde mac iz vn woli gebi zu ezzinni vo-
 18v,2 deme ackiri uffi der strazi . da in mac vn niman
 18v,3 zu rehti vmme giphende . he in mac och da miti
 18v,4 nicht virwirki . leit he iz abir uffi sinen wagin edir
 18v,5 uf sin phert vnde wil iz danni- vuri cumit die ma-
 18v,6 des diz corn is edir sin boti edir di vulscuzin vn-
 18v,7 bigrifin vn . so heit he einin offnbarin roib gitan

- 18v,8 vnde wil he iz weri mi sal vmi nach volgi mit giscreigi
 18v,9 alsi einimi rechtin straziroiheri . Bigrifit
 18v,10 nin vn dan vnde biwaldigit vn da mite so sal mi-
 18v,11 vmi daz corn uffi sinen ruchi binde . vnde sal vn
 18v,12 vur girichti vuri alsi alsi einin rechtin roiheri vnde
 18v,13 sal vbir vn richti is he ein gast . // Ab der dubi me
 18v,14 is danne da kenw'dich is // Sua ein diep cumit
 18v,15 vur din richteri mit der dubi . vnde is der dubi
 18v,16 me dan he da keinw'dic habi so sal vn di richteri
 18v,17 vregi war he su gitan habi . ed' wa he su gilazi-
 18v,18 habe . Sprichit dan die diep daz he in gerni wolli
 18v,19 da nach wisu . so sal vmi die sculteizi volgi sua
 18v,20 he vn hine wisit in disimi girichti . wiesit he
 18v,21 vn dan in einis vnsis burgeris hus edir in sine-
 18v,22 hof . edir in sues huis ed' hof iz sie . so sal he den
 18v,23 man d u-me ani sprechi . Sprichit dan die man
 18v,24 ich offini iv mine vier wende d inni zu suchini
 18v,25 suaz die diep heri bracht heit . da in sezzi ich
 18v,26 mich nichtisnicht ani . wisit abir he uffi dichein

 19r,1 giut me wan daz he heri bracht heit . da wil ich vuri
 19r,2 antw'ti alsi ich zu rehti sal . heit dan die man sine
 19r,3 truwi vnde sine eri bihaldin vnde is he vngivart .
 19r,4 so in mac iz vme nicht giscade wed' zu sine-
 19r,5 erin nach zu sime lantrecht . Is abir daz he loikinit
 19r,6 vrevilichi vnde wirt iz bin des d inne vundin .
 19r,7 daz vz di richteri d ine bisiet . so is he ein diepcamiri .
 19r,8 Sua ein diep bigriphin wirt . vnde vme
 19r,9 die hende hind' den ruki gibundin werdin vn-
 19r,10 die dube dar uf . so in mac he nimanni- bisegi noch
 19r,11 giruge daz vme giscade mugi is daz he sine truwi
 19r,12 vnde sine eri bihaldin hebit . Uuo ein burgere sal werde
 19r,13 Hi nach is giscribin suilich
 19r,14 man verit herri zu Northn- in dis richis
 19r,15 stad . vnde sich hi nid' leizit also daz he sich hi de-kit
 19r,16 zu bigeni vnde burgeri zu werdini . die mac
 19r,17 sich hi woli virsuchi ein nuwi vnde ein wedil .
 19r,18 daz sien vier wochin . wil he dan langir h i-ni sizzi
 19r,19 daz he nicht burgeri in wil werdi . vnde wil
 19r,20 doch coiphi vnde vircoiphi . so sal he zu rehti sine
 19r,21 zoil gebi alsi ein andir gast wil abir he burgeri
 19r,22 werdi so sal min vn zu burgere nemi . vnde
 19r,23 sal vn vregi ab he imini biste daz he sin eigin
 19r,24 edir sin voitman si . sprichit he dan "nein" vnde
 19r,25 bisizzit also h inne iar vnde tac vngeuordirtis
 19r,26 dingis von den luitin die inwendic landis sien

 19v,1 so sal min vn haldi vur eini- vrien burgere . Sprichit

- 19v,2 he abir "ia ." he si egin edir voitman so in sal min sien
 19v,3 zu burgeri nicht inpha . sien h'ri in irloib iz vme dan .
 19v,4 an den he giet daz he vn biste . wil in abir iemin vordiri
 19v,5 bin demi iari die sal her in cume in des richis stad
 19v,6 vur dis richteris stul vnde sal vn vordiri vor mi scultezin
 19v,7 vnde din burgerin . wil he dan antw'ti deme
 19v,8 h'rin des heit he cure . In wil he is abir nicht tu . so
 19v,9 sal min vn lazi inwec vari vnbicu-mirtis dingis alsi
 19v,10 he is heri cumen . Cumit he abir vur den richteri
 19v,11 vnde wil des antw'ti des min uf vn sprichit . so sal
 19v,12 min vme eini rehti weri tu mit enimi man di alsi
 19v,13 guit guit habi vnde di alsi richi si alsi die man uffi de-
 19v,14 min sprichit . Inkeit dan die man demi h'rin so
 19v,15 muz die man vmmir me des mannis weri si sues
 19v,16 min uf vn zu sprechini heit vmme die sachi
 19v,17 da he v-mi biteidingit is . von des h'rin wegin di
 19v,18 da sprichit daz he vme zu hori . wil dan die man
 19v,19 loikini so mac he woli uf din heiligin da vure sueri
 19v,20 mit sien einis hant uffi den heiligin . Mac is vn
 19v,21 di h'ri abir ubirzugit daz he vn biste mit libe vn-
 19v,22 mit gute so in mac he da vure nicht gisueri . die
 19v,23 guzugit sulin abir sie dis mannis neisti nagilmagi
 19v,24 uffe den he da sprichit . vnde di sulin sini nagilmagi
 19v,25 sie von d' mutir . vnde nicht von demi vatiri .
 19v,26 Giwinnit he dan den man also alsi hi biscribi-

 20r,1 is so sal vn vmi di richteri antw'ti . vnde sal vn vn lalazi
 20r,2 vuri suar he wil . Waz abir daz costi suli . von d'
 20r,3 burgere gisezzi da ein man burgeri w'di sal daz suld
 20r,4 i hori daz is daz . daz he mi richteri sal gebi eini-
 20r,5 halbin virdunc . vnde mi rati alsi vieli . wollin su
 20r,6 in abir bignade daz mugin su tu . vnde sal och eini
 20r,7 marc gebi an die stad daz min su miti gibezziri
 20r,8 wollin su vn abir an ichti bignade daz mugin
 20r,9 su tu . he sal och gebi dis richis houimanni zueni phe-nigi .
 20r,10 vnde mi kirchineri eini- phenni-c . vnde di sal
 20r,11 vmi dan di heiligin habi da he uf sueri sal mi riche
 20r,12 di hulde vnde din burgerin truwi vnde wareit . disi
 20r,13 stat zu bihaldini so he vmmir allirmeis can
 20r,14 mit sinen wizzin vnde mit sine- sinnin vor allirmenlichimi
 20r,15 dan vor mi richi aleini daz vme got
 20r,16 also helphi vnde die heiligin . Als he daz gitan hheit
 20r,17 so sal vme dan di sculteizi vride banne zu
 20r,18 sineme liebe vnde zu sineme gute . daz vme da
 20r,19 zu nimen nicheinin scadin in tu . he in cumi vur
 20r,20 girichti vnde vordinin in als iz recht is . so sal he
 20r,21 dan mi sculteizin simi banphe-nigi gebi . d' sin vieri
 20r,22 ab her vn nicht irlazi in wil . // Ab ein brgere liet

- 20r,23 eimi andirin guit . // Liet ein burgeri enimi ma-ni
 20r,24 sin gut zu enimi tagi . so in mac he un vor deme
 20r,25 tagi wedir zu pandi noch zu burgin tuwingi . Cumit
 20r,26 abir die tac vuri . vnde in is he nicht ein bisezzin

 20v,1 man . so sal he dis richteris gnizi daz he vme
 20v,2 gebi phant ed' phennigi . locinit he vme dan . so sal he
 20v,3 vme mit sien einis hant da vure sueri uf den heiligin
 20v,4 mac he iz abir uf vn gizugi selbi dirte burgere
 20v,5 ab he ab he su gihabi mac . so in mac he umi da vuri nicht gisueri in mac
 he ir ab' beid'
 20v,6 nicht gihabe . so mac he woli mit enimi gasti vnde
 20v,7 mit enimi burgere gizugi . Di gast di sal iz abir suere
 20v,8 uffi den heiligin . vnde die burgere sal iz bigrifi
 20v,9 bi des richis huldin . // Ab ein gast gezugi h i-ne
 20v,10 sal // Is abir daz ein gast h inne gezuge sal die
 20v,11 sal zueni wizzintaphte burgere zu vmi habe . vn-
 20v,12 die gast sal selbin vori sueri uffi din heiligin . vnd'
 20v,13 di burgeri sal min mani bi dis richis huldin . Suaz
 20v,14 dan geldis also vuzugit wirt vor mi richteri
 20v,15 daz sal min geldi vbir di weridin nacht . Is dan
 20v,16 di geldi vnbisezzin so sal he giwis machchi daz
 20v,17 he gelde vbir di werin nacht . wan iz mit guzugi
 20v,18 giw-ni- is . Daz ein vrowe ni-me virlise mac vrmi man
 20v,19 Hi nach is giscribin daz nichein vrowe vrme
 20v,20 man mac me virwirki sinis gutis dan also
 20v,21 viele alsi vri hobitgibende geldi mac daz sal sex
 20v,22 phe-nige wert sie . Nichein vrowi in mac sich nichtis
 20v,23 och virlobi an vrin vormu-din daz dicheini
 20v,24 crapht habi . an vr gibende . daz sal och sex phennigi
 20v,25 wert si . iz vn si dan ab su einin elichin man
 20v,26 nemi wil . des mac su sich wole virlobi an vrin

 21r,1 vormu-den . // Von ewi dis kindis . // Iz in mac och nichein
 21r,2 kint iz si mannis nami edir wibis nami nummi
 21r,3 nicheini ewi globi iz in si zu sinin iarin cumin . Eni
 21r,4 vrowi mac abir selbin vrin liep wole virwirki
 21r,5 mit dubi edir mit mordi edir mit mortbrande vn-
 21r,6 mit sogitani- sachin da ein mensci zu rehti sinen liep
 21r,7 voni virlisi sal . vnde mac . // Uon vrowin wroderu-ge .
 21r,8 // Nichein vrowi in mac och uffi niminin nicht
 21r,9 me vorderunge gihabe an vrin rehtin vormu-din
 21r,10 su in mac och nimeni nicheini antw'te gige bi vor
 21r,11 mi richteri vmme clagi an vrin rehtin vormundin .
 21r,12 Suanni vri dan vri vormunde irteilit wirt so
 21r,13 sal su vn suchi dri virzen nacht is he inwendic landis .
 21r,14 su in wolli iz dan selbi von mutwillin curzi . vz
 21r,15 sie an dir clagi edir an dir wid'redi . Suanni daz giscin

21r,16 is so sal su vrin vormundin biti daz he mit vri
 21r,17 vur girichti gei . vnde daz he vr helphi daz recht
 21r,18 is . wil he iz dan durch vri beti tu daz is gut . In wil
 21r,19 he s abir nicht tu . so sal su vuri ge vnde sal sueri
 21r,20 vur girichti daz su sien nicht gihabi in muge vn-
 21r,21 sal dan abir vrin vormundin suchi dri virzen nacht .
 21r,22 Is abir uri vormundi uzwendic landis so sal su un suchi iar undi tac In mac
 su sin dan nicht gihabi in wil min su uz dan nicht virheibi so sal su iz ab'
 21r,23 sueri vf in heiligin daz su sin nicht gihabi muge
 21r,24 vnde sal dan einin kisi suemi su is gitruwit daz
 21r,25 vri getruwe vormunde si wolli . Suanni di
 21r,26 vormunde der vrowin wirt irteilit zu suchini vbir

21v,1 dri virzen nacht mac su dan den vormu-din dari
 21v,2 brengi daz is guit . In mac su sin dan nicht gihabi
 21v,3 so sal su selbi vuri cume vnde sal sich wise mi sculteizin
 21v,4 vnde din clegirin . In tuit su des nicht so
 21v,5 is su der clagi vrwndin . iz in si dan also vieli daz
 21v,6 vz vri binemi ephat noit . Is abir daz su einin
 21v,7 vormundin dan gicuisit den sal su vur girichte
 21v,8 brengi . vndi sal dan antw'ti den di uffi su clagi-
 21v,9 nach rehti . // Hi vint min recht von markitdingi .
 21v,10 // Sua ein richteri sizzit ein bisezzin dinc
 21v,11 in dir stad hie zu Northusen . vnde ein man bisiet
 21v,12 da den andirin vor mi di-gi di vme sal geldi .
 21v,13 biclagit he in dan da so sal he vmi alda antw'ti
 21v,14 iz in si dan also vieli daz he nicht von dis scultheizin ladunge da si edir von
 dis
 21v,15 ratis so in darph he nicht da zuhant zu demi
 21v,16 dingi antw'ti . in is he nicht biclagit alsi iz recht
 21v,17 is noch in is vmi nicht vuri gibotin . In weri
 21v,18 dan des nicht daz he nicht von dis sculteizin
 21v,19 ladungi da weri noch dis ratis . gibutit vmi
 21v,20 dan di richeri daz he antw'ti so sal he iz tu .
 21v,21 virstundi abir he d' geboti dru so sal he weti
 21v,22 sex phennigin daz heizit ein missetat . iz in weri
 21v,23 dan also vieli daz daz he nicheini- vorsprachi-
 21v,24 gihabi nicht in mugi . gibutit vme abir di scultezzi
 21v,25 daz he rechitir antw'ti phlegi den man di
 21v,26 uf vn clagit vnde geit he bin des inwec ani loibi

22r,1 des richteris vnd' des clegeris vnd' is also lange vzi
 22r,2 biz daz di richeri sin girichte gisizzit vnde dannin
 22r,3 geit . so heit he eini vbirscowngi gitan . daz is daz he
 22r,4 virvorth heit kin den richteri dru scerph vnde ein phunt .
 22r,5 in wil vme di richteri nicheini gnade tu . Is daz
 22r,6 zueni bisezzini burgeri sin in dirri stad biclagit
 22r,7 d' ein den andirin in emi andirin dirichte alsi he n hi

- 22r,8 biclagi soldi zu rehti vnde mac vn dan des di richteri
 22r,9 vbircume edir di man den he biclagit heit daz
 22r,10 he si selbi dirti . so heit he och eini vb'scowngi gitan .
 22r,11 daz sin abir dri scerph vnde ein phunt . Suilich
 22r,12 man och din andirin phendit an girichti mac vn
 22r,13 des di richteri vbircume selbi dirti . die sal och mi
 22r,14 richteri wetti dru scerph vnde ein phunt . Suilich
 22r,15 man mi andirin sien girichti borgit vmme gelt .
 22r,16 tuit he iz vmi zu demi tagi alsi da bisceidin is . so
 22r,17 is he des geldis ledic . In teiti he iz abir nicht . so heit
 22r,18 he in vbirwindin vndi heit da zu eini missetat gitan
 22r,19 daz is daz he wetti sex phennigi mi richteri . Ebini-n
 22r,20 su sich abir des ani richteri . wan iz vmme gelt
 22r,21 is . so sal he mi richteri gebi von demi scillingi einin
 22r,22 phennic . alsi ab he vme girichtit hetti . vnde
 22r,23 daz sal . die gelde di da biclagit is . Suilich man mi
 22r,24 andirin sezzit ein phant mit gutin willin daz
 22r,25 sal he vme bihalde virzen nacht . iz si vmme suilichir
 22r,26 legi geld iz sie . edir al dar nach daz vr beid'
- 22v,1 glubidi steit . wil he iz dan nichit ledige zu deme
 22v,2 tage alsi su globit han so sal he sin gelt d uf borgi
 22v,3 zu din Iudin ab vr beidir glubidi also steit . In
 22v,4 mac he iz d uf nicht giborgi . so sal he iz uf bieti dri
 22v,5 virzen nacht . vnde sal vz vme dan cunt tu zu hus
 22v,6 vnde zu hou . mit me butile . vnde mit den naciburin
 22v,7 zueni binid umi vnde pob ume . wiel he iz
 22v,8 dan losi bin demi tagi vnde bin d' nacht . so sal he iz
 22v,9 vme zu losini gebi . In tuit he iz abir nicht so mac
 22v,10 he daz phant woli vircoiphi . wirt vme dan me
 22v,11 dan sinis geldis si mit demi phande . daz sal he
 22v,12 vme wid' gebi . wirt umi zu wenic di richteri sal umi me phandis gebi vnde
 in sal vn nicht vordiri . vnde
 22v,13 sal vmi och vngivordiritis dingis me phant gebi
 22v,14 v-me andiri scadin ab he n vmi globit heit abi
 22v,15 zu legini . daz he brengi mac mit den lutin ab
 22v,16 he s vme loikini wil . so in mac he da vuri nicht
 22v,17 gisueri In mac he is abir nicht guzugi so suerit
 22v,18 he wole vur din scadin mit sin einis hant uffi
 22v,19 den heiligin . Hi vindit men von mortbra-de
 22v,20 Sva ein man drowit zu mortburnini mi andirin .
 22v,21 heri zu Northn- in disi stad . Suanne di
 22v,22 man daz daz virnimit daz vmi gidrowit is di
 22v,23 sal vz cundigi sinen naciburin bund ume vnde
 22v,24 pob ui- . vnde sal dan mit den selbin naciburin
 22v,25 gei zu mi richteri vnde sal iz mi richteri cunt
 22v,26 tu . mit den naciburin daz vme gidrowit si zu

23r,1 mortburnini . weiz min dan wi iz gitan heit . so sal
 23r,2 vn di richeri heri lade vnde di man demi he gidrowit
 23r,3 heit . vnde sine- naciburin . vnde sulin vme gutin vride
 23r,4 gebi heri vnde wid' zu cumeni . Cumit he dan heri
 23r,5 so sulin su in vregi wilchi scult he vrme naciburi
 23r,6 gebi . Gibit he vme dan dicheini rehti vnd'
 23r,7 redelichchi scult die sal he vme abi legi nach mi-ni-
 23r,8 ed' noch rehti . In woldi he dan uffi daz gleiti nicht
 23r,9 heri cume . noch uf den vride . so sal die man demi gidrowit
 23r,10 is ge zu sinimi pherreri . vnde sal iz vme
 23r,11 segi . vnde sal vn des biti daz he den man bisende .
 23r,12 sued' he wolli heimiliche edir vffinbari . Tuit dan
 23r,13 daz di pherreri . vnde vn cumit doch durch daz nicht
 23r,14 daz he den lutin gikundigi sine teidinc . vn- su vme
 23r,15 gine man gerni woldi abi legi nach minni- ed' nach
 23r,16 rehti . Tuit iz dan gini man vbir daz so tuit he
 23r,17 vnrehti . Suaz dan scadin von deme mortburnini
 23r,18 imeni gisci den vn darph die man nicht abi legi
 23r,19 deme gidrowit is . wan he in heit nicheini scult
 23r,20 d ani . veri abir daz die man di gidrowit heit zu
 23r,21 mortburnini heri queme vnde cundigiti sine te-dinc
 23r,22 vnd neme g'ni bezzerunge nach mi-nin ed'
 23r,23 nach rehti . vnde vme d' nicht gisce in mohti . gisce
 23r,24 dan dichein scadi von deme mortburnini andirin
 23r,25 luitin . den sal die man zu rehti uf richte vn-
 23r,26 abi legi demi gidrowit is . weri abir daz di man

23v,1 vnd' des brenti . von vnglucki von vme selbin ed'
 23v,2 daz in ein and' man brenti die vme gram weri bin
 23v,3 d' selbin drowi alsi vme die ersti man gidrowit hetti .
 23v,4 vnde is gini man nicht bikenti daz he iz gita-
 23v,5 hetti ab min vs vn vregiti . vnde buti sin recht da
 23v,6 vuri vnde tet iz och ab min s nicht inperi wolde .
 23v,7 Suaz scadin dan da vone gisce des in dorphti die man
 23v,8 nicht abe legi demi gidrowit weri . Burnit abir
 23v,9 enimi man sien guit von vme selbin ed' von sinimi
 23v,10 gisinde von virwarlosikeit giscit da von imini
 23v,11 me dichein scadi den in darph di man nicht abe
 23v,12 legi . weri abir daz enimi man wrdi ein brant ed'
 23v,13 ein briph . vur sine turi gihangin da mi- vmi den
 23v,14 mortbrant miti cundigiti . vnde in weri des mannis
 23v,15 nami dar ani nicht die in vme gikundigit hetti .
 23v,16 wrdi is die man giwari he soldi ge zu sinime
 23v,17 pherreri mit sinin naciburin . vnde soldin des biti
 23v,18 daz he woldi kundigi zu dir kirchin offinbari
 23v,19 ab iman weri demi he giscadit hetti ed' irzurnit .
 23v,20 daz he cume zu vmi sued' he wolli hemilichi ed'
 23v,21 offinbari . he woll iz vme g'ni bezziri nach mi-nin

- 23v,22 vn- nach rehti . Gisce vbir daz bin des imini
 23v,23 dicheini scade von demi burnini da in heit di
 23v,24 man nicheini scult ani . vn- in sal och zu rehti nimini
 23v,25 dicheinin scadin abi legi . woldi abir die ma-
 23v,26 di mit mi brande vn- mi briui gidrowit hetti
- 24r,1 g'ni nemi recht vndi minni . vn- in wold ir vme die ma-
 24r,2 nicht tu demi he gidrowit hatti . gisce dan imini dichen
 24r,3 scadi da uoni . den soldi di man zu rehti abi legi .
 24r,4 demi di mortbrant gikundigit was . wandi
 24r,5 he gutir luiti ratis nicht volgi in woldi nach tu . B'nti
 24r,6 abir bin des di man . von vn-glucki von vme selbi-
 24r,7 ed' von sinimi gisinde . ed' daz in iman andiris bre-ti
 24r,8 uffi di selbin drowi di is nicht bikinne woldi .
 24r,9 giscit dan imini dichein scadi bin des . von des ma-nis
 24r,10 wegi demi gidrowit is . den in sal he zu rehti
 24r,11 nicht abe legi . Wuo ein vatr sine kint virste sal .
 24r,12 Ein iclich man sal zu rehti sini ekint virste
 24r,13 di wili su nicht zueliph iar alt in sien . Stirbit
 24r,14 dan vr vatr . so sulin su vurste vri rechtin vormundin
 24r,15 daz sien vri neistin vatirmagi d' kindir . woldi-
 24r,16 abir di kint bin des icht tu des . daz vn an vrin
 24r,17 liep edir an vri eri . edir an vri lantrecht geit .
 24r,18 an dir vormu-di rait vnde an vri heizi . so mugin
 24r,19 sicht di vormu-din woli von dir vormu-tscaph
 24r,20 zi . ab su wollin . So sulin su dan einin andirin
 24r,21 vormundin kisin . ab su vn gihabi mugin . In
 24r,22 mugin su vn abir nicht gihabi . so sulin su sich
 24r,23 selbin virste . wande su sogitani din gitan han di
 24r,24 vn gein an vrin liep vndi vri eri vndi ur lantrecht .
 24r,25 Suanni kindiri cumin vbir zuelph iar daz ma-nis nami-
 24r,26 sin . suaz su dan des tuin daz vn geit
- 24v,1 an vrin liep vn- . vri eri vn- vr lantrecht edir andiri
 24v,2 dicheini sachchi di vn schedilich sin . daz tu- su uffi
 24v,3 sich selbin iz in si dan also wile . ab si ez iman durch
 24v,4 vrin willin ani neme wolle . Het och ein man ei-
 24v,5 kint daz sin brotezi is . also daz he iz nicht von
 24v,6 vme gimutschart in heit giretit daz kint vbili .
 24v,7 daz si z lezit an spil . Suaz dan die knecht ed'
 24v,8 daz kint virspilit bin d' ziet . des in sal min nicht
 24v,9 me uf in richti . iz si an tau'ni ed' sua iz si . dan also
 24v,10 vili als sine cleid' virgeldi mugin di he an
 24v,11 der stad ani heit . sui vbir daz me uf vn richtit
 24v,12 dan hi biscribin steit . di heit daz virlorn daz he
 24v,13 me uf vn richtit . // Von ewi ab di man stirbit
 24v,14 // Is dan ein vrowi enin elichchin man heit vn-
 24v,15 stirbit vr di man vnd' heit su bi demi einin sun .

- 24v,16 di zu sine- iarin cumi- is . die sal zu rehti vr vormundi
 24v,17 sie . wil he vr rehti miti vari . Nimit abir
 24v,18 su einin andirin elichchin man . di sal zu rehti
 24v,19 vri vormundi si . vn- dis sunis vormu-tschapf
 24v,20 di is vz . Die man di in mac abir den kindin
 24v,21 nicht virtu noch virsezzi des su habin heit su
 24v,22 kindiru vz i- sie mit vrin willin vnd' mit
 24v,23 vrrri liebi . daz an lignindimi guti is . Iz in sie da-
 24v,24 also daz die vrowi giteilit habi mit den kindi-
 24v,25 dit selbi recht bscribi wi dem man . waz daz
 24v,26 aleinin daz he nicht vormu-din bidarph . Stirbt

 25r,1 abir vri andiri man unde heit su kint di deme
 25r,2 vnde sient di zu vrin iarin cumin die sulin abir d'
 25r,3 mut' vormunde si . In sin su abir zu vrin iarin nicht
 25r,4 cumin . so sal iz si vris lezistin mannis neisti
 25r,5 vat'mac beidi dir kind' vnde dir vrowin . Iz i-
 25r,6 weri dan also viele ab su gut hetti bi urme erstin
 25r,7 man . daz uf vri erstin kint gitreti mochte .
 25r,8 daz sulin di erstin kint vuri antw'ti . ab su zu vrin
 25r,9 iarin cumin sin . In sin su abir zu vrin iari-
 25r,10 nicht cunin . so sal vz vri vormu-de tu dir erstin
 25r,11 ab dicheini tedinc d uf gein . hi steit von deme wie d' burg'e daz gimene is
 .
 25r,12 Habin di burgeri ein
 25r,13 vinoz zu guti d' stat gimeni daz gicoph is
 25r,14 mit d' stad phe-nigin vz sie ochsi ed' beir . edir
 25r,15 sterri ed' boc . daz sal ein iclich man bihaldi zu sues
 25r,16 hus vz cumit di da vie heit . vn- sal iz och vute
 25r,17 mit sime vie . vn- sal iz dan dis morginis vz lazi .
 25r,18 Tuit dan daz vienoz imini dichenin scadin
 25r,19 den vn sal zu rehti nimi- uf richti vn- daz vie
 25r,20 heizit curvinoz . Is abir daz imin wil habi der
 25r,21 noziri dichein durch sien einis nuz vn- vromin
 25r,22 daz is nicht d' gimenscaph in is . tuit daz vienoz
 25r,23 imini dicheini scadin . daz sal di zu rehti abi
 25r,24 legi vn- bezziri des diz vinoz is . Heit abir
 25r,25 ein man eini cu di sogitan gihurni heit da su
 25r,26 miti gscadi mac andirimi vienoz . wirt iz dan

 25v,1 di herti giwari daz and' vienoz da bi giergirit mac w'di .
 25v,2 di sal iz demi man cundigi des di cu is . vnde
 25v,3 sal di luiti da zu nemi daz he s gizugi mugi habi .
 25v,4 So sal die man d' cu vri horniri bisniti ab
 25v,5 he wil . In wil he is abir nicht tu . gischit dan
 25v,6 sint imini dichein scadi da uoni des is di h'ti
 25v,7 vnsculdic . vn- sal di man des cu den scadin gitan
 25v,8 heit . abi legi daz selbi recht is vme allir leigi vienoz .

25v,9 iz si ochsi cigi edir sterri ed' suilchir leigi iz
25v,10 si . et c' .